



EXEMPL

613 A c

HA PUNITION

*Eus a eur Plac'h Yaouanc, pehini e  
deus bet argrueldet da laza e sévar  
C'hrouadur, condaonet da veza  
crouguet ha dévet er guér a Roazon.*

Var eun ton nevez.

**S**PERET-SANTEL, m'ho ped da rêi din al lumier,  
Ar c'hraç da gomposi eur Verz spirituel,  
Eun exempl a zo güel drist hac eur melezour patant,  
Ma rêi reflexion varni an dud yaouanc.

1743

Er blavez mil seiz cant ha tri ha daou-uguent,  
An deivet a vis du, evit rêi da entent,  
En escopti a Roazon, en dreo eus a Zant-Gloda,  
Ec'h êruas eur maleur a ra d'an oll crena.

—  
Eur femelen yaouanc, a lignez enorabl,  
Eus a dud pinvidic abers mam, abers tad,  
A hanas daou vuguel; er moment e voe tentet  
D'o estrangli o daou, hep beza badezet.

—  
O c'heuill eur guzul fall e qemeraz eur bal,  
E yas da gorn ar parq d'ho flanta en douar :  
Mes Doue oll-buissant en devezs bet permetet  
Dre eun aneval brutal m'ê ar c'hrim anavet.

—  
Retorn a ras d'ar guêr da guz e fallenti;  
He zad he remercas hac a c'houlas outi :  
Va merc'h pelec'h oc'h-u bet? goalchenchet brasho cavàn;  
Diouz al liou a zouguit e seblant ez oc'h clàn.

—  
Respont a ras d'e zadgant eun êr indifferant :  
Me a vezo exempl da galz a dud yaouanc :  
Va huez a verito beza partout publiet,  
Ma rêi reflexion varni calz a blac'het.

He zad ouz e c'hlêvet a ras reflexion  
Var he oll broposiou a douche e galon.  
Ha possubl ve ta, va merc'h, e ven bet ouz ho mezur;  
Em be eur c'hrouadur da rêi din displijadur!

Da ben pêvar devez me d'oa grêt he zorfet,  
He zad a yas d'ar parc da guerc'hat e leoned;  
P'antreas voe estonet o velet eun aneval  
E tenna'n daou vuguel armês eus an douar.

Eus a zeiz crouadur e deus bet va fried,  
Ne meus nemet unan oun ganti glac'haret.  
Lavaret mat e voa din em bije sur calonat  
Diouz va merc'h libertin, abret pe divezat.

Redec a ras d'ar guêr n'eur goler ar vrasa,  
Ma qemeraz eun hach en avis he laza;  
Mes pa zônjas sqêi ganti, e æl mat e inspiras  
D'arrêti e goler, hac e verc'h a dec'has.

Qüittât a ras an ty da vit he daou buguel,  
Hac o facas o daou ebars e davancher,  
Hac en em rentas gante e ty'n autrou Senechal,  
Da zisclêria deàn he zorfejou barbar.

An Autrou p'e c'hlêvas a voe bras estonet,  
A chomas ouz e dol evel eun den mantret;  
Ar bluen demeus e zorn a goeas crac digantâ;  
Pa vel an daou vuguel e commanç da vouela.

Penos, miserables! ec'h eus bet ar galon  
Da laza daou vuguel hep caout compassion?  
Eur bunion güell vras a c'heus-te sur meritet,  
Hac a vo hep dale ec'h enep prononcet.

An autrou Senechal a gommand d'eur serjant  
He laqat er prison neuze souden vatant,  
Ergüer demens a Roazon hadindan seitec devez  
E voe grêt he arrêt ha jojet he froces.

Pa voe interrojet, ar justic a estone  
O clêvet ar plac'h-mâ e tislêria he bue,  
O velet peguer secret e cuze he oll c'hrimou;  
Nemet puissanç Doue n'anavee anezo.

Eus a bemp crouadur a meus laqet er bed,  
Nemet unan zo beo; pêvar e meus lazet:  
Den sur n'en deveus santet va oll c'hrimou execrabl,  
Nemet sur an daou-mâ en deus gouezed va zad.

Ar c'henta, meus ganet e quichen qêr Vitre,  
 A dolis er rivier pa voe ganet gane;  
 Hac an eil a voa maro a ben ma teuas er bed,  
 A blantis er bern teil en parc va amezec.

Ha nemet an drede zo chomet en bue;  
 Entre Kermaria e voe ganet gane,  
 Er c'hassis prest d'ar porchet, hac eno e voe cavet  
 Gant daou zen ancien o tremen ar vêret.

Neuze voe condaonet da veza divisqet,  
 Laqet en he c'herc'hen eun invis roussinet,  
 Hac an amand enorabl a rancas ive da ober  
 Gant eun torch allumet dirac ilis Sant Pêr.

A dal ilis Sant Pêr bete ma voe rentet  
 En quichen ar potañç, true voa e c'hlêvet  
 O ouela, o teplori, o c'houlen digant Doue,  
 Eus a greiz he c'halon barados d'e ene.

Cri vije ar galon en Roazon na ouelje,  
 O clêvet ar plac'h-màn penos e prezegue;  
 Hapa bignas d'ar potañç e c'houlennas an amzer  
 Da instrui'r yaouanqis he asiste da vervel.



## REFLEXION.



**E**NTREZOC'H, tud yaouanc qement zo o clêvet,  
Comprenit er maro zo din-me preparet;  
E vit va oll bue fall ha va dizoboissanç  
E rançàn mervel mezus, sivoas, ouz eur potanç!



Me zo eur plac'h certain a voa elevet mat,  
Disqet en pep fêçon gant va mam ha va zad;  
Demeus a zeiz crouadur int am c'harie ar muia,  
Me ra bremàn deze var o zreid dizec'ha.



O ren va unec vloas e voen-me recevet  
Gant person va farres, gant enor ha respet,  
Da ober va c'homunion etouez ar vugale;  
Pemp bloas e meus bevet en carante Doue.

Da ben va c'hoezec vloas e voen bet debochet  
Gant diou plac'h libertin hac o c'hamaradet,  
Ma yén-me gante bemnos ha da'r bal ha d'an dançou :  
Va mallos a bedàn gant an nep a heuillo.

Tadou, ha c'houi, mamou, mestrou ha mestrezet,  
Instruit ho pugale hac ho tomestiqet,  
N'o lezit qet da vonet da nep seurt assamble  
Na vezo tud honest en compagnunez gante.

Me zo hirio, sivoas, melezour digor franc,  
Diouallit diouz ar bed, entrezoc'h, plac'het yaouanc;  
Pedit Doue d'ho sicour hac e Vam-sacr ar Verc'hes  
Da bellât diouzoc'h ar goal gompagnunez.

En em recommandi a ràn d'ho pedennou ;  
Pedit Jesus dre e c'hraç d'am receo er joayou ;  
Mont a rancàn d'ar maro, pa e meus er meritet,  
Pardon a c'houlennàn ouz qement zo o clêvet.

Qüittât ràn ar bed-màn leun a dristidiguez :  
Va Jesus adorabl, ho pet ouzin truez !  
Mervel rìn ouz eur potañ, ha va c'horf paour vo dêvet !  
Al ludu aaeàn gant an avel stringet.

Comprenit va bue, entrezoc'h, bugale :  
Oboissit d'ho tud, balamour da Zoue,  
Hac e vezot sur eun deiz oll da vea curunet  
Gant Jesus en e c'hloar en pales an Drindet.

FIN.



---

E Montroulez, e ty LÉDAN, ru ar Pave.